

Кепілдіктерді шығаруға келісім

Бұдан әрі «Шарттар» деп аталатын, Кепілдіктерді шығаруға келісімнің осы талаптары, «ForteBank» АҚ-ның (бұдан әрі – Кепілгер/Банк) заңды тұлғалармен және жеке кәсіпкерлермен (бұдан әрі - Принципал/Қарыз алушы) Қазақстан Республикасы Азаматтық кодексінің 389 бабында көзделген тәртіпте кепілдіктер ұсыну туралы келісім жасауы мақсатында дайындалды.

Кепілдікті шығару бойынша талаптар, қамтамасыз ету түрі, мөлшері, валютасы, мерзімі, әрбір Кепілдіктің шығарылған күні, Бенефициардың атауы Бланкілі кепілдік ұсыну туралы өтініштерде/Өтелген кепілдікті ұсынуға өтініште анықталады.

1. ТЕРМИНДЕР

Осы Талаптардың мәтіні бойынша қолданылатын, бас әріппен жазылатын терминдер келесідей анықталады:

1.1. Бенефициар –Кепілгер Принципалдың өтініші бойынша оның пайдасына кепілдік шығарған және мына тұлғалардың біріне жататын заңды тұлға (Қазақстан Республикасы резиденті немесе резидент емес):

- Қазақстан Республикасының «Мемлекеттік сатып алулар туралы» заңына сәйкес тауарларды, жұмыстарды және қызметтерді сатып алуды жүзеге асыратын заңды тұлғалар;
- «Самұрық-Қазына» ҰӘҚ АҚ;
- дауыс беретін акцияларының елу және одан астам пайызы (қатысым үлесі) тікелей немесе жанама түрде «Самұрық-Қазына» ҰӘҚ АҚ-ға тиесілі ұйым;
- бір жақты тәртіпте және өз қалауы бойынша Кепілгер ретінде белгіленген тұлғалар тізіміне кіретін ұйым.

1.2.Кепілдік – Принципалдың келісімшарт бойынша Кепілгер алдындағы міндеттемелерін орындауына (Бланкілі кепілдік) қамтамасыз етуді бермей-ақ немесе ақша түрінде қамтамасыз ету ұсыну арқылы (өтелген кепілдік), Принципалдың Байқауға/Тендерге қатысуына байланысты Принципалдың сұранысы бойынша және оның Бенефициар алдындағы өз міндеттемелерін орындауын қамтамасыз ету үшін осы Шарттардың шегінде Кепілгер берген банктік кепілдік.

1.3.Жаңғыртылатын лимит – Кепілгер белгілеген сома, оның шегінде Принципал Кепілдіктің босатылған/өтелген сомасының есебінен бір немесе бірнеше Кепілдік ала алады. Жаңартылатын лимит мөлшері ашық болады және www.forte.kz мекенжайы бойынша Банктің ресми сайтында орналастырылады.

1.4.Бланкілі кепілдіктер бойынша қосылу туралы өтініш – Кепілдіктер шығаруға келісімге қосылу туралы Принципалдың жазбаша өтініші.

1.5.Бланкілі кепілдік беруге өтініш/Өтелген кепілдік беруге өтініш – Кепілгердің Шарттың шегінде Бенефициар пайдасына бір немесе бірнеше кепілдік шығаруға Принципалдың жазбаша өтініші.

1.6.Байқау – ақылы негізде тауарларды, жұмыстарды және қызметтерді сатып алу және олармен әрі қарай Келісімшарт жасау мақсатында жеңімпазды таңдау үшін Бенефициар жүргізетін Байқау /электронды байқау/ аукцион/ тендер/ электрондық тендер.

1.7.Келісімшарт – Мемлекеттік сатып алулар туралы шарт/Сатып алу-сату шарты немесе олар бойынша Кепілдік беру/төлем/аванстық төлемді қайтару көзделетін Клиент Сатушы (Өнім беруші) ретінде болатын басқа да құжаттар немесе міндеттемелерді орындаудың қамтамасыз етуі бойынша Кепілдік шығарылатын басқа да шарт немесе кедендік баж салығы, салықтар төлемі бойынша қамтамасыз ету сомасының есебін растайтын басқа да құжаттар.

1.8.Қарыз – Қосылу туралы өтініште және Қазақстан Республикасының қолданыстағы заңнамасына сәйкес Кепілгердің ұсынатын шартында анықталған талаптарда Принципалдың жауапкершілігіне ұсынылатын қолма-қол ақшасыз қаржыландыру түріндегі кредиттік тәуекелдері бар банктік қызмет.

2. КЕЛІСІМ МӘНІ

2.1 Принципал Бланкілі кепілдіктер бойынша қосылу туралы өтінішке/Өтелген кепілдіктер шығаруға өтінішке қол қоя отырып, Бланкілі кепілдіктер бойынша қосылу туралы өтініштің/Өтелген кепілдіктер шығаруға өтініштің ажырамас бөлігі болып табылатын Шарттарды қабылдайды және оған қосылады

2.2 Кепілгер осы Шарттың аясында, жаңартылатын лимит шегінде Кепілгердің әрекеттегі шарттарында анықталған талаптарда Кепілдік шығарады, ал Принципал Бланкілі кепілдік беруге өтінішінің/Өтелген кепілдіктер шығаруға өтініштің негізінде бір немесе бірнеше кепілдік алады.

2.3 Кепілдік шығару үшін Принципал Кепілгерге Шарттың мақсаттары үшін қажетті және жеткілікті және Өтінішті жолдау күніне Кепілгер анықтайтын құжаттарды қосымша тіркей отырып, Бланкілі кепілдік беруге өтініш/Өтелген кепілдіктер шығаруға өтініш береді. Өтініштегі мәліметтер байқау/тендерлік құжаттама/Келісімшарт/ басқа да құжаттаманың шарттарына сәйкес келуі кезінде, сонымен қатар құжаттар Шарттың талаптарына сәйкес келген жағдайда Кепілгер Принципал талап еткен Кепілдікті шығарады немесе осы Шарттың талаптарында қарастырылған негіздерде және тәртіпте Кепілдік беруден бас тартады.

2.4. Кепілгер мына жағдайлардың бірінде (Бланкілі кепілдіктер бойынша қосылу туралы өтініш/Өтелген кепілдіктер шығаруға өтінішті беру күніне) Кепілдік беруден бас тартуға құқылы:

- Кепілгердің уәкілетті органы белгілеген талаптарға Принципалдың сай келмеуі;
- Принципалдың Кепілгерде ашқан банктік шоттарына қатысты уақытында төленбеген төлем құжаттарының, соның ішінде төлем талаптарының, тыйым салулардың және шығыс операцияларын тоқтату туралы өкімнің болуы;
- Принципалдың Кепілгер мен екінші деңгейлі банктер алдында кредиттік құралдар бойынша мерзімі өткен міндеттемелерінің болуы.
- Принципал ұсынған құжаттар пакетінің Бланкілі кепілдік беруге өтініш/Өтелген кепілдіктер шығаруға өтінішінің талаптарына сай келмеуі;
- Бенефициардың бұрын ұсынған Кепілдік бойынша міндеттемелерді орындау туралы өтелмеген талаптардың болуы;
- Принципал Кепілгермен ерекше қарым-қатынастармен байланысты болған жағдайда – Қазақстан Республикасының қолданыстағы заңнамасында көзделген Бланкілі кепілдік бойынша мүмкін болатын кепілдік сомасынан артып түскен жағдайда;
- Сұралған Кепілдік нысанының Қазақстан Республикасы заңнамасында бекітілген және Кепілгер бекіткен кепілдік нысандарына сәйкес келмеуі;
- Принципалдың Кепілгер алдындағы жалпы берешегі Кепілгердің жеке капиталынан 5 (бес) пайыз мөлшерден асқан жағдайда;
- Өтелген немесе Бланкілі кепілдік бойынша жаңартылатын лимиті асып кеткен жағдайда.

2.5. Берілген Кепілдік Принципалдың Бланкілі кепілдік беру туралы өтінішіне/Өтелген кепілдік беру туралы өтінішіне сәйкес келген жағдайда, Кепілгер оның Бенефициармен қабылданбауы үшін жауап бермейді, ал барлық келтірілген шығындар мен Принципал төлеген комиссияларды Кепілгер қайтармайды және өтемейді. Бұл ретте Бенефициар Кепілдікті қабылдамаған жағдайда Тараптар Бланкілі кепілдік беру туралы өтініштің/Өтелген кепілдік беру туралы өтініштің немесе Принципалдың берілген Кепілдіктер талаптарына өзгертулер енгізу туралы өтінішінің шарттарында жаңа Кепілдік беру туралы немесе берілген Кепілдік талаптарын өзгерту туралы келісімге келе алады.

2.6. Принципалдың осы Шарт бойынша міндеттемелерді орындауының қамтамасыз етуі, Өтелген кепілдік шығарылған жағдайда, Принципалдың Кепілгерге кепілге берген және Кепілгердің талаптарына сәйкес келетін, Өтелген кепілдік беру туралы өтініште көрсетілген мөлшердегі ақша (бұдан әрі – кепілге салынатын зат) болып табылады.

2.7. Өтелген кепілдіктер бойынша кепілге салынатын затты (Бланкілі кепілдіктерді есепке алмағанда) Кепілгер Шарт бойынша және Өтелген кепілдік беру туралы өтінішінің талаптарына сәйкес Принципал міндеттерінің толық орындалу мерзіміне дейін №2240 «Клиент міндеттемелерінің қамтамасыз етуі ретінде қабылданған ақшаларды (кепіл, кепілақша) сақтау шоты» арнайы шотына (бұдан әрі мәтін бойынша «арнайы шот») аударады.

2.8. Өтелген кепілдіктер бойынша кепілге салынған зат (Бланкілі кепілдіктерді қоспағанда) Өтелген кепілдіктер беру туралы өтінішінде көрсетілген мерзім бойы арнайы шотта Кепілгердің меншігінде болады, бұл ретте ол Кепілге салынған затқа осы Шартта көзделген жағдайларда Принципалдың Кепілгер алдындағы өз міндеттемелерін орындамаған/тиісті түрде орындамаған жағдайда кепілге салынған затты өндіріп алу арқылы иелік етуге құқылы болады.

3. ПРИНЦИПАЛДЫҢ МІНДЕТТЕРІ МЕН ҚҰҚЫҚТАРЫ

3.1. Принципал міндетті:

3.1.1. Кепілгердің тарифтеріне сәйкес Кепілдік ұсыну қызметіне байланысты Кепілгерге барлық комиссияларды төлеуге;

3.1.2. Кепілгер белгілеген мерзімдерде және тәртіпте Кепілдік шығаруға және/немесе Кепілгердің Бенефициар талаптарын төлеуге қажет болатын Қазақстан Республикасының заңнамасында, Байқау талаптарында және/немесе Кепілгердің ішкі ережелерінде қарастырылған барлық құжаттардың алынуын қамтамасыз етуге;

3.1.3. Кепілгердің пошта-телеграфтық және Кепілдік ұсынуға байланысты басқа да шығыстарын Кепілгерге төлеуге;

3.1.4. өз ісінің келешекте жойылуы, қайта құрымдалуы, құқықтық мәртебесінің өзгеруі немесе Принципалдың басқа заңды (резидент, резидент емес) тұлғалардың басқаруына табысталуы туралы тиісті оқиғаның туындауына дейін Кепілгерге 20 (жиырма) жұмыс күн бұрын уақытында хабарлауға;

3.1.5. Кепілгерге Принципалдың байқауға қатысуға берген өтінімін кері шақырып алу ниетінің бар екендігін, Байқаудың тоқтатылуы туралы, Келісімшарт бойынша міндеттемелерді мерзімнен бұрын орындау ниеті туралы, Бенефициар алдында Келісімшарт бойынша міндеттемелерді бұзу туралы, егер бұл Кепілдік бойынша міндеттемелердің орындалуын немесе басқа әрекеттер жасауға (әрекетсіздік) алып келсе, Бенефициардың Кепілдік бойынша Кепілгерге талаптар қоюын туындататын (туындатуы мүмкін) өзге де іс-әрекеттердің жүргізілуі туралы жоспарланған тиісті әрекет жасау (әрекетсіздік) күнінен 3 (үш) жұмыс күн бұрын ескертуге;

3.1.6. Байқауға/Тендерге қатысу өтінімінің әрекет ету мерзімі ұзартылған жағдайда, мерзімі ұзартылған сәттен бастап 3 (үш) жұмыс күні ішінде Кепілгерге Байқауға қатысу өтінімінің жаңа әрекет ету мерзімі көрсетілген тиісті жазбаша хабарлама жіберуге немесе Келісімшартқа өзгерістер және/немесе толықтырулар енгізілген жағдайда, қол қойылған күннен бастап 3 (үш) жұмыс күні ішінде Кепілгерге Келісімшарттың Қосымша келісімінің көшірмесін ұсынуға;

3.1.7. Кепілгердің талап етуі бойынша Кепілгердің жазбаша талабын алған күннен бастап 3 (үш) жұмыс күні ішінде Байқау/Келісімшарт талаптарын жүзеге асырудың барысы туралы кез келген ақпаратты және барлық қажетті құжаттарды ұсынуға;

3.1.8. Кепілгердің Бенефициар мен Кепілгер алдындағы міндеттемелерді орындауға бағытталған барлық талаптарын орындауға;

3.1.9. Бенефициар Кепілгерге оның Бланкілі кепілдік бойынша міндеттемелерін орындауы туралы талап қойған сәттен бастап бір жұмыс күні ішінде Банкте ашылған ағымдағы шотта Кепілгердің Бенефициар талаптарын төлеуге жеткілікті мөлшердегі соманың болуын қамтамасыз етуге;

3.1.10. байланыстылықты растайтын құжаттарды ұсына отырып, Кепілгерге онымен байланыстылық туындағандығын тез арада хабарлауға;

3.1.11. Кепілгерге Кепіл мүлкіне қатысты және қатысты болуы мүмкін кез келген өкім, нұсқау, жазбаша талап, рұқсат, хабарлама немесе Кепілге салынған затқа қатысы бар немесе қатысы болуы мүмкін және осы Шарттар бойынша Принципалдың Кепіл затына құқығына немесе Кепілгердің құқығына әсер ететін және Уәкілетті органның, мекеменің және қандай да бір үшінші тұлғаның Принципалға тапсыратын басқа да құжаттары туралы дереу хабарлауға.

3.1.12. Келісімшарт бойынша өз міндеттемелерін уақытында, толық және тиісті түрде орындауға;

3.1.13. Принципал осы Шарттар бойынша Кепілгердің алдындағы міндеттемелерін бұзған жағдайда Принципал осы арқылы Кепілгерге кері қайтарусыз және шартсыз мыналарға құқық береді:

- 1) Принципалдың банктік шоттарын дебеттеу жолымен немесе Қазақстан Республикасының қолданыстағы заңнамасында тыйым салынбаған басқа да әдіспен Кепілгер ашқан Принципалдың шоттарынан ақшаларды сөзсіз және даусыз түрде (акцептсіз) алуға (есептен шығарып тастауға) және/немесе Қазақстан Республикасының аумағында және одан тыс жерлердегі кез келген екінші деңгейлі банктерге төлемдік немесе Принципалдың шоттарынан, оның ішінде кәсіпкерлік мақсаттар үшін ашылған, орындауы үшін Принципалдың акцепін талап етпейтін шоттардан ақша алу (есептен шығарып тастау) туралы басқа да құжаттарды қоюға;
- 2) Принципалдың Кепілгер алдындағы міндеттемелерін бұзған кезеңде Принципалдың Кепілгерде ашқан кез келген/барлық банктік шоттары бойынша шығыс операцияларын жүргізуді шектеуге.
 - 3.1.14. Қазақстан Республикасының қылмыстық жолымен және терроризмді қаржыландырудан алынған табыстарды заңдастыруға (жылыстату) қарсы әрекеттер туралы заңнамасының талаптарын сақтау үшін, сондай-ақ жеке /дербес мәліметтерін жинау, өңдеу және оған қоса оларды Қазақстан Республикасы уәкілетті мемлекеттік органы арқылы FATCA талаптарына сәйкес АҚШ (Internal Revenue Service) Салық Қызметіне беру үшін Кепілгер сұратқан барлық құжаттарды Кепілгерге ұсынуға.
 - 3.1.15. Кепілгер талап еткен мерзімдерде, сомасында және тәртібінде Кепілгерге бұрын берілген барлық Қарыздардың қайтарылуын және Кепілгерге сыйақы/комиссиялық сыйақы/Принципалға қызмет көрсетуді қаржыландыру үшін комиссиялар сомасын төлеуді қамтамасыз етуге
 - 3.1.16. Кепілге салынған затқа меншік құқығын жоғалту қаупінің туындауы туралы кідірмей, жазбаша түрде Кепілгерге хабарлауға;
 - 3.1.17. Кепілгердің тиісті талабында көрсетілген тәртіпте және мерзімдерде осы Шартқа өзгерістер және/немесе толықтырулар енгізу туралы осы Шартқа қосымша келісімдерге қоюға. Кепілгер Шарттың талаптарын біржақты тәртіпте өзгерткен жағдайда, Принципалдың қосымша келісімдерге қол қоюдан бас тартуы олардың жарамсыздығына ұшыратпайды.
 - 3.1.18. Кепілдіктің әрекет ету мерзімін тоқтатуға алып келетін (тоқтататын) кез келген жағдайлар туралы Кепілгерге хабарлауға.
 - 3.1.19. Осы Келісімшарттың /Кепілгердің талабы бойынша осы Шарттың талаптарын орындауға байланысты барлық қажетті құжаттарды ұсынуға.

3.2. Принципал құқылы:

- 3.2.1. Кепілгерден Бенефициарлардың шығарылған Кепілдіктер бойынша талаптарын орындағандығы туралы, Кепілгер Принципалға Принципалдың жазбаша сұранысын алған күннен бастап 3 жұмыс күні ішінде беруге міндетті ақпаратты алуға;
- 3.2.2. Кепілгерден осы Шарттың талаптарына сәйкес олардың пайдасына Кепілдік шығарылуы мүмкін Бенефициарлар тізімі туралы ақпаратты сұрауға;
- 3.2.3. Өтелген кепілдіктер бойынша Кепілгерге кепілге табысталған ақшаны Бенефициар алдында осы Шарт және/немесе Келісімшарт бойынша өз міндеттемелерін орындаудан кейін ғана (Келісімшарт бойынша міндеттемелердің орындалуы туралы куәландыратын, растайтын құжаттар ұсыну арқылы) талап етуге.
- 3.2.4. осы Шартта және/немесе Қазақстан Республикасының заңнамасында қарастырылған өзге де құқықтарды жүзеге асыруға құқылы.

4. КЕПІЛГЕРДІҢ МІНДЕТТЕРІ МЕН ҚҰҚЫҚТАРЫ

4.1. Кепілгер міндетті:

- 4.1.1. осы Шартта белгіленген тәртіпте және талаптарда Кепілдіктерді шығаруға;
- 4.1.2. Өтелген кепілдік шығару кезінде Принципалдың өтелген кепілдікті ұсынуға өтінішінде көрсетілген және Принципалдың осы Шарттар бойынша міндеттемелерін толық орындауына дейін Кепілгердің талаптарына сәйкес жеткілікті сомада Принципалдың ақшасын қабылдауға;
- 4.1.3. Принципалдың Қазақстан Республикасы заңнамасында, Кепілгердің ішкі ережелерінде және осы Шартта көзделген міндеттемелерін толық орындаудан кейін өтелген кепілдік бойынша арнайы шотқа қабылданған ақшаны қайтаруға;

4.1.4. Принципалға Кепілгер алдындағы міндеттемені орындау мерзімінің өткендігі туралы ол туындаған сәттен бастап 3 (үш) жұмыс күні ішінде кез келген тәсілмен хабарлауға (Принципалдың электрондық адресіне хабарлама жіберу арқылы және (немесе) осы Шарттың 9 бөлімінде көрсетілген нөмірлер бойынша телефон соғу арқылы);

4.1.5. Принципалдың жазбаша жүгінуін Қазақстан Республикасының Заңында белгіленген мерзімде қарауға және жазбаша жауап дайындауға;

4.1.6. Қазақстан Республикасының заңнамасына сәйкес Кепілгердің шығарылған Кепілдік бойынша өз міндеттемелерін орындауы туралы Бенефициардың заңды талабын орындауға.

4.1.7. Бір жақты өзгерту Қазақстан Республикасының заңнамасында және Шартта тыйым салынатын талаптарды есепке алмағанда, бір жақты соттан тыс тәртіпте өзінің қалауы бойынша Тарифтерді өзгертуге және/немесе толықтыруға, көрсетілген өзгерістер және/немесе толықтыруларды барлық Филиалдарда/Банк бөлімшелерінде және/немесе Банктің <http://www.forte.kz/> ресми интернет сайтында жариялау арқылы күшіне енгізу сәтіне дейін Клиентке алдын ала 10 (он) күнтізбелік күн бұрын хабарлау арқылы.

4.1.8. Бір жақты өзгерту Қазақстан Республикасының заңнамасында және Шартта тыйым салынатын талаптарды есепке алмағанда, бір жақты соттан тыс тәртіпте өзінің қалауы бойынша Тарифтерді өзгертуге және/немесе толықтыруға, көрсетілген өзгерістер және/немесе толықтыруларды Банк филиалының операциялық залдарында, Банктің <http://www.forte.kz/> ресми интернет сайтында жариялау арқылы күшіне енгізу сәтіне дейін Клиентке алдын ала 10 (он) күнтізбелік күн бұрын хабарлау арқылы.

4.2. Кепілгер құқылы:

4.2.1. Принципалдың қаржылық жағдайын тексеруге;

4.2.2. Банктік шоттан ақша алуға Принципалдың нұсқауы болып табылатын, Принципалдың Өтелген кепілдік шығаруға берген Өтінішіне сәйкес арнайы шотқа аудару үшін Принципалдың банктік шотынан ақшаны есепте шығаруға;

4.2.3. Принципалдан кез келген құжатты, мыналарды қоса алғанда, бірақ олармен шектелмей-ақ, сұратуға: байқау құжаттамасын, Принципалдың Байқауға қатысу өтінішін, Байқау нәтижелері туралы хаттаманы, Принципалдың Байқаудың жеңімпазы болып танылғаны жөніндегі хабарламаны, барлық қосымша келісімдері мен қосымшаларын қоса Келісімшартта, салыстыру актісін, атқарылған жұмыс/қызмет актілері және Кепілгер Қазақстан Республикасының қылмыстық жолымен және терроризмді қаржыландырудан алынған табыстарды заңдастыруға (жылыстату) қарсы әрекеттер туралы заңнамасының талаптарын сақтауы үшін, сондай-ақ Клиенттің және Алушының жеке/дербес мәліметтерін жинау, өңдеу және оған қоса оларды Қазақстан Республикасы уәкілетті мемлекеттік органы арқылы FATCA талаптарына сәйкес АҚШ (Internal Revenue Service) Салық Қызметіне беру үшін қажетті құжаттарды және кез келген ақпаратты;

4.2.4. Принципалдың Кепілгер ашқан банктік шоттарынан Принципалдың банктік шоттарын дебеттеу арқылы және/немесе Қазақстан Республикасының заңнамасында тыйым салынбаған басқа тәсілдермен шартсыз және даусыз (акцептісіз) тәртіпте ақшаны алуға (есептен шығаруға) және/немесе Қазақстан Республикасының аумағында және одан тыс жерлердегі кез келген екінші деңгейлі банктерге төлемдік немесе Принципалдың шоттарынан, оның ішінде кәсіпкерлік мақсаттар үшін ашылған, орындауы үшін Принципалдың акцептін талап етпейтін шоттардан ақша алу (есептен шығарып тастау) туралы басқа да құжаттарды қоюға. Бұл ретте бұзылған міндеттеме валютасы және Кепілгер акцептісіз тәртіпте алатын/алған сома валютасы әр түрлі болса, Кепілгер алынған ақша сомасын Принципалдың міндеттемені орындау валютасына Кепілгер ақшаны алу күні белгілеген бағам бойынша ауыстыратындығына Принципал келіседі.

4.2.5. бір жақты соттан тыс тәртіпте мыналарды өзгертуге/толықтыруға:

4.2.5.1. осы Шарттар бойынша пайдасына Кепілдіктер шығарылуы мүмкін Бенефициарлар тізімін.

4.2.5.2. Өтініш нысанын.

4.2.5.3. Принципал үшін жақсарту жағына қарай осы Шарттың ережесін;

4.2.5.4. Кепілдіктер шығару үшін қажетті құжаттар тізімін.

4.2.6. Кепілгердің Принципалға осы Шарттың тармағына сәйкес жүргізген өзгерістері/толықтырулары туралы хабарлама жолдау талап етілмейді. Енгізілген өзгерістермен/толықтырулармен Принципал www.forte.kz мекенжайы бойынша Банктің ресми сайтында танысуға құқылы, бір жақты өзгертуі Қазақстан Республикасының заңнамасымен тыйым

салынған немесе Кепілгерге, оның ішінде оның филиалдарына (Кепілгер филиалдарының қосымша үй-жайларына) жүгіну талаптарын қоспағанда;

4.2.7. Оның құқықтары мен мүдделерін, оның ішінде Принципалдың Кепілгер алдындағы берешегін қайтару үшін жеткілікті Қазақстан Республикасының заңнамасында және банк тәжірибесінде тыйым салынбаған қажетті кез келген шараларды қолдануға;

4.2.8. Операция жүргізуді тоқтатуға және/немесе бас тартуға:

1) егер операцияның/мәміленің немесе мәміле бойынша міндеттеменің бір тарабы/қатысушысы төмендегідей болып табылған жағдайда:

- а) уәкілетті мемлекеттік орган құрастырған Терроризм мен экстремизмді қаржыландыруға қатысы бар ұйымдар мен тұлғалар тізіміне (бұдан әрі – Тізім) енген ұйым немесе тұлға болса;
 - б) Тізімге енгізілген ұйымдардың немесе тұлғалардың тікелей немесе жанама меншігіндегі немесе бақылауындағы заңды тұлға;
 - в) Тізімге енгізілген ұйымдардың немесе тұлғалардың атынан немесе нұсқауы бойынша әрекет ететін жеке немесе заңды тұлға;
 - г) халықаралық ұйыммен немесе шетел мемлекетімен анықталған тіркелген/елде жүрген ақшаны жылыстату және терроризмді қаржыландыру айтарлықтай қаупі бар тұлға болып табылатын болса немесе бұл операцияны/мәмілені орындауда бұндай тұлға қатысатын болса;
- 2) егер клиент жүргізетін операцияларды зерттеу барысында олар қылмыстық жолмен алынған кірістерді заңдастыру (жылыстату) немесе терроризмді қаржыландыру мақсатында жасалып жатқандығы туралы күмән болса;
- 3) Қазақстан Республикасының «Қылмыстық жолмен алынған кірістерді заңдастыруға (жылыстатуға) және терроризмді қаржыландыруға қарсы іс-қимыл туралы» Заңында немесе Қазақстан Республикасында ратификацияланған халықаралық шарттарда белгіленген жағдайларда.

4.2.9. Қазақстан Республикасының заңнамасында қарастырылған тәртіпте және жағдайларда, сонымен қатар келесі жағдайларда біржақты тәртіпте орындаудан бас тартуға және Шартты бұзуға:

- 1) Принципал таратылған немесе қайта ұйымдастырылған жағдайда, таратылу/қайта ұйымдастыру дерегін растайтын құжаттар бар болған кезде;
- 2) егер Кепілгер операциялар қылмыстық жолмен алынған табыстарды заңдастыру (жылыстату) мақсатында жасалса және/немесе операцияның бір тарабы (тараптары) лаңкестікті және экстремизмді қаржыландыруға байланысты ұйымдар мен тұлғалар Тізіліміне енгізілген ұйым немесе тұлға болып табылатындығын негізді тұжырымдағанда;
- 3) Принципал қажетті құжаттар мен ақпаратты бермегенде, оның ішінде оларды ҚР уәкілетті органы арқылы FATCA талаптарына сәйкес АҚШ (Internal Revenue Service) Салық Қызметіне жинауға, өңдеуге және беруге келісімін беруден бас тартқанда, бұған Қазақстан Республикасы заңнамасы талаптарына сәйкес ондай жабуларға рұқсат етілмейтін жағдайларын қоспағанда;
- 4) Принципалға қатысты оның қызметін заңсыз деп тану туралы сотқа дейінгі/соттың істі қарауы жүргізілуін нұсқайтын жағдайлардың болуы кезінде, сондай-ақ Кепілгер мен оның клиенттеріне қатысты олардың мүдделірен нұқсан келтіретін заңсыз әрекеттерді жүзеге асыру үшін пайдаланатын басқа да жағдайлар болған кезде;
- 5) егер, Кепілгердің көпшілікке танымал қызметіне, Кепілгердің ішкі үрдістері мен талаптарына қатысты осы Шарттың, Қазақстан Республикасының және шет елдердің заңнамасының және корреспондент банктің талаптары бұзылады деген ойы болса, сонымен қатар Банкке және Салымшыға қатысты кез-келген елдің, халықаралық ұйымның құзыреттілігіне сәйкес санкциялары болған жағдайда (соның ішінде, бірақ шектелмей, операция түрімен, тіркеу мемлекетімен және (немесе) Салымшының және оның лауазымды тұлғаларының, акционерлерінің/қатысушаларының, бенефициарлық иелерінің, еншілес және қауымдастырылған ұйымдарының орналасқан жеріне байланысты, сонымен қатар, аталмыш елдерге/аталмыш тұлғаларға немесе аталмыш елдерден/аталмыш тұлғалардан өткізілетін төлемдермен).

4.2.10. Өтелген кепілдіктер бойынша Кепіл мүлкін өндіріп алуға банктік кепілдік (негізгі борыш), сыйақы (мүдде) сомаларын, өзінің кез келген міндеттемелерін орындамауына (тиісті түрде орындамауына) байланысты Принципалдың келтірген шығындарын, сонымен бірге тұрақсыздық айыбын (өсімпұл, айыппұл) және Принципалдың осы Шартта қарастырылған міндеттемелерін орындамауына (тиісті түрде орындамауына) байланысты Кепілгерге келтірілген басқа шығыстарын қоса отырып, Принципалға қоятын талаптарын Кепіл мүлкінің есебінен талаптарды нақты қанағаттандырған күні белгіленген толық мөлшерде өз бетінше, Принципалдың қосымша

келісімсіз Принципалдың осы Шартта көзделген Кепіл мүлкін өз меншігіне акцепсіз өндіріп алуға;

4.2.11. Өтелген кепілдіктер бойынша қолданыстағы заңнамада бекітілген негіздер бойынша Принципалдың Кепіл мүлкіне құқықтары тоқтатылғанда, жоғалғанда (немесе осындай салдарлар қаупі туындағанда), сонымен қатар қандай да бір мемлекеттік акт қабылданғанда, Кепіл мүлкін Кепілгердің талабын қанағаттандыратындай үшінші тұлғалардың құқықтарынан (талаптарынан) бос, тең бағалы мүлікпен ауыстыруды Принципалдан талап етуге;

4.2.12. Принципал қажетті құжаттарды ұсынбаған жағдайда, Принципалға кепілдік шығарудан бас тартуға.

5. КЕПІЛДІКТІҢ ЖАРАМДЫЛЫҒЫ

5.1. Кепілгер Кепілдік бойынша міндеттемелерін Кепілдік тоқтатылғанға дейін және Бенефициар тиісті талап қойған жағдайда ғана Кепілдікте белгіленген тәртіп бойынша атқаратын болады.

5.2. Кепілдік міндеттемелердің тоқтатылғаны туралы Кепілгерге Бенефициардан жазбаша хабарлама тапсырылғанда немесе Кепілдік әрекеттерінің тоқтатылғаны туралы Принципалдың жазбаша хабарламасы және мына жағдайлардың орын алғандығын растайтын құжаттар ұсынылғанда:

- Байқау талаптарында белгіленген Байқауға қатысуға арналған өтінімдерді тапсырудың соңғы күні аяқталғанға дейін Принципалдың байқауға қатысуға өтінімінің кері қайтарылуы;

- Байқау аясындағы сатып алулардың қорытындылары туралы хаттамаға сәйкес Байқау жүлдегері атанбағы туралы хаттамаға Принципалдың қол қоюы;

- сатылымдар туралы шартының күшіне енуі және Принципалдың Байқау жүлдегері ретінде байқаулық құжаттамада қарастырылған сатып алулар шартын атқаруға қамту енгізуі;

- Принципалдың Келісімшарт бойынша өз міндеттемелерін толық орындауы;

- Принципалдың Байқауға қатысу өтінімінің қолданыс мерзімінің аяқталуы;

Құжаттар ұсынылған сәттен бастап 3 (үш) жұмыс күні ішінде Кепілгер осы құжаттарды Кепілдіктің әрекет етуінің тоқтатылуын растауға жеткілікті құжаттар ретінде қабылдау туралы шешім қабылдайды. Құжаттарды қарау нәтижесінде Кепілгер келіспеген жағдайда, Принципалдың мекенжайына тиісті құжаттарды қабылдаудан бас тарту туралы тиісті жазбаша хабарлама (бас тартудың және/немесе ұсынылған құжаттардың мазмұнына ескертулердің негіздерін /қосымша құжаттар ұсыну қажеттігін көрсете отырып) жібереді. Кепілгерге жазбаша хабарлама жібергенде де және/немесе жаңа құжаттарды қайта ұсынғанда да осы тармақта көрсетілген тәртіп сақталады.

5.3. Егер Принципалға Бенефициардан байқауға қатысу өтінімінің қолданыс мерзімін ұзарту туралы өтінім, Келісімшарт бойынша міндеттемелер жіберілетін болса, онда Кепілдіктің алғашқы қолданыс мерзімінің өзгеру мүмкіндігіне байланысты Тараптардың қатынастары осы Шарттың талаптарында белгіленген тәртіпте реттеледі.

5.4. Принципал Келісімшарт бойынша өз міндеттемелерін орындау мерзімін ұзартқан жағдайда, Принципалдың қосымша өтінішінің негізінде Кепілгердің жауапкершілік мерзімі қайта қаралуы мүмкін.

5.5. Кепілдік талаптары Кепілгердің қарауы бойынша ерікті үлгіде ұсынылған Принципалдың қосымша өтінішінің негізінде Кепілдікке енгізілетін өзгертулерге қол қою арқылы өзгеруі мүмкін.

5.6. Кепілдікті тоқтату Кепілдікке қолданатын құқықта қарастырылған жағдайларда жүзеге асырылады. Егер Принципал Кепілгердің Кепілдіктегі міндеттемелерінің тоқтатылуын тудыратын Кепілдік бойынша Бенефициар алдындағы міндеттемелерінің тоқтатылғаны туралы Кепілгерге хабарламаған жағдайда, Кепілгер өзінің Кепілдік бойынша міндеттемелерін, оның әрекет ету мерзімі тоқтатылғаннан кейін (толығымен немесе ішінара) орындаған жағдайда, Принципал Кепілгер алдында толығымен жауап береді.

6. КЕПІЛГЕРДІҢ ҚЫЗМЕТТЕРІН ТӨЛЕУ

6.1. Осы Шарттың шегінде берілген әрбір Кепілдік үшін және Кепілдікті өзгерткені үшін Принципал Кепілдікті бергенге дейін/өзгерткенге дейін Кепілгерге Кепілгердің тарифтеріне сәйкес комиссияларды төлейді, кепілдік сомасы және/немесе әрекет ету мерзімі азайтылған жағдайда Принципал Кепілгерге төлеген (төлейтін) комиссияны қайта есептеуді жүргізбейді. Комиссияның барлық сомасын төлеу Кепілгердің Принципалдың «ForteBank» АҚ-да ашқан банктік шот(-тар)ын акцептісіз және шартсыз тәртіпте дебеттеу арқылы немесе Қазақстан Республикасы заңнамасында тыйым салынбаған әдіспен жүзеге асырылады.

6.2. Егер комиссияларды төлеу күні жексенбі немесе мереке күндеріне түсетін болса, онда комиссия жексенбі немесе мереке күндерінен кейінгі күні төленеді.

6.3. Кепілдік арқылы қамтамасыз етілетін, сәйкесінше Кепілдіктің тоқтатылуына ұшырататын міндеттемелер тоқтатылған жағдайда, Кепілгерге төленген комиссиялар қайтарылмайды.

6.4. Бенефициар Кепілгерден Кепілдік бойынша міндеттемелерін атқаруды талап еткен жағдайда, Кепілгер бұл туралы Принципалға хабарлайды және Бенефициардың талабын Кепілдікте көзделген, Кепілдікке қолданатын құқық талаптарын сақтай отырып, Өтелген кепілдік бойынша Кепіл мүлкі есебінен орындайды. Бланкілі кепілдік бойынша Принципал Кепілгердің Бенефициардың талабын атқарған күні Бенефициарға Кепілдік бойынша төленген соманы Кепілгердің шотына аударуға міндетті.

6.5. Принципалдың ағымдағы шотында Бланкілі кепілдік бойынша Бенефициардың талабын төлеу үшін қажетті сомадағы ақша қаражаты болмаған жағдайда, Кепілгер Принципалға Кепілгердің Бенефициар талабын орындаған күні кепілдік бойынша берешекті өтеу үшін Қарыз (овердрафт) беру туралы жазбаша түрде хабарлайды.

7. ТАРАПТАРДЫҢ ЖАУАПКЕРШІЛІГІ

7.1. Тараптар осы Шарт талаптарын бұзғаны үшін Қазақстан Республикасының қолданыстағы заңнамасына сәйкес жауапкершілік көтереді.

7.2. Принципал Кепілдік бойынша Бенефициарға төлеген Кепілгердің төлемі бойынша, мұндай төлем жасаған күні осы Шартта көзделген ақша сомасының кепілдігі бойынша міндеттемелерді бұзған жағдайда, Кепілгердің Принципалға төлемеген әрбір ақша сомасы Кепілгердің Принципалға берген Қарыз (овердрафт) болып есептеледі. Ұсынылатын Қарыз шарттары (овердрафт) Кепілгердің www.forte.kz сайтында жарияланған Қосылу туралы Өтініште және Банктік қарыз шартында анықталады.

7.3. Принципал Қарыз Кепілгердің Принципалға беруге (қолма-қол ақшамен немесе қолма-қол ақшасыз түрде) тиісті еместігімен және Принципалға Кепілгер осы Шартқа сәйкес үшінші тұлғалардың алдындағы қабылдаған шартты (мүмкін болатын) міндеттерін орындайтын келесі күннен кешіктірмей берілген болып есептелетіндігімен келіседі.

7.4. Принципал осы Шарттар бойынша өз міндеттемелерін бұзған жағдайда, Кепілгер бір жақты тәртіпте Принципалдың Кепілгерде ашылған банктік шоттары бойынша барлық шығыс операцияларды тоқтатуға құқылы.

7.5. Принципал осы Шарттар бойынша міндеттемелерін бұзған жағдайда, Кепілгер құқылы:

(a) Принципалдың банктік шоттарын дебеттеу жолымен немесе Қазақстан Республикасының қолданыстағы заңнамасында тыйым салынбаған басқа да әдіспен Кепілгер ашқан Принципалдың шоттарынан ақшаларды сөзсіз және даусыз түрде алуға (есептен шығарып тастауға) және/немесе Қазақстан Республикасының аумағында және одан тыс жерлердегі кез келген екінші деңгейлі банктерге төлемдік немесе Принципалдың шоттарынан, оның ішінде кәсіпкерлік мақсаттар үшін ашылған, орындауы үшін Принципалдың акцепін талап етпейтін шоттардан ақша алуға (есептен шығарып тастауға); және/немесе

(b) Принципалды банкрот деп тану туралы талап арызымен сотқа жүгінуге; және/немесе

(c) Қазақстан Республикасы заңнамасында қарастырылған басқа да шараларды қолдануға. Принципал Шарттардың осы тармағында көрсетілген Кепілгердің құқықтарын растау үшін, кепілгерге Принципалдың қосымша келісімін алусыз, Қосылу туралы өтініштің көшірмесін ұсыну жеткілікті болатынымен келіседі .

d) бір жақты соттан тыс тәртіпте Принципалдың берешегін өтеу кезектілігін өзгертуге (осы Шартты өзгерту Принципал үшін жақсарту жағына алып келетін), ол туралы Кепілгер Принципалға осы Шарттарда қарастырылған тәртіптер мен мерзімдерде хабарлайды.

7.6. Тараптардың бірі бірінші болып наразылық және даулар туралы екінші тарапқа хабарлаған күннен бастап 15 (он бес) күнтізбелік күн ішінде Тараптар наразылық және дауларға қатысты келісімге келе алмаған жағдайда осы Шартқа байланысты туындаған немесе Шарт талаптарын бұзуға қатысты барлық даулар, келіспеушіліктер, талаптар Кепілгердің (Кепілгер филиалдарының) орналасқан жері бойынша Қазақстан Республикасының соттарында шешіледі.

7.7. Кепілгер Қазақстан Республикасының «Қылмыстық жолмен алынған кірістерді заңдастыруға (жылыстатуға) және терроризмді қаржыландыруға қарсы іс-қимыл туралы» Заңына сәйкес ақшамен және (немесе) басқа да мүлікпен операцияларды өткізуден, сонымен қатар тоқтатудан бас тарту үшін жауапты емес.

7.8.Принципалдың өз міндеттемелерін орындамауға/тиісті түрде орындамауға байланысты Кепілгерге келтірген барлық шығындарды Принципал Кепілгер тиісті талап қойған күннен бастап 10 (он) операциялық күн ішінде өтеуге міндетті.

7.9. Клиент, Банктің Қазақстан Республикасының заңнамасын сақтауы мақсатында:

- Клиент – жеке тұлға болған жағдайда:

- Банктің forte.kz ресми сайтында орналастырған Дербес және өзге де деректерді жинау және өңдеу туралы келісім нысаны бойынша Клиенттің деректерін/дербес деректерін жинауға, өңдеуге өз келісімін береді және оның мазмұнымен танысқанын, түсінетінін және қабылдайтынын растайды, сондай-ақ онда көрсетілген өзгерістер және(немесе) толықтырулар енгізу тәртібімен келіседі.

- Клиент заңды тұлға болған жағдайда:

- Банктің Клиентті сәйкестендіру, сонымен қатар биометриялық деректерін қолдану арқылы қашықтан сәйкестендіру үшін қажетті Клиент туралы өзекті және нақты мәліметтерді Банктің алуы мақсатында - ресми/заңды дереккөздерден, оның ішінде уәкілетті органдардың мемлекеттік дерекқорынан (бұдан әрі – МД), цифрлық құжаттар сервисінен, кредиттік бюролармен, оның ішінде «Мемлекеттік кредиттік бюро» АҚ БСН 120940011577 және «Бірінші кредиттік Бюро» ЖШС БСН 040940002421, «Қазақстандық банкаралық есептесулер орталығы» РММ-мен (бұдан әрі – ҚБЕО) өзара қарым-қатынас жасау, уәкілетті мемлекеттік органдардың (Қазақстан Республикасының Электронды үкімет порталы/Электронды лицензиялау және басқа да ресми дереккөздер), Банкпен ақпаратты ұсыну мен алу туралы шарт жасасқан кредиттік бюролармен, ҚБЕО жанындағы Сәйкестендіру деректерін өңдеу орталығымен (бұдан әрі – СДӨО) және Деректерді алуға/беруге құқығы бар өзге де ұйымдардың/мекемелердің ресми сайттары арқылы Деректерді ұсынуына/беруіне және алуына;

- МД, СДӨО, сондай-ақ ресми және заңды дереккөздер (Қазақстан Республикасының Электронды үкімет порталы/Электронды лицензиялау, уәкілетті мемлекеттік органдардың ресми сайттары және басқа ресми дереккөздер) иелерінің Деректерді, сонымен қатар МҚ-дан МҚ иелерінен/операторларынан алынған деректерді Банке, кредит бюроларына және өзге ұйымдарға/мекемелерге тікелей немесе үшінші тұлғалар арқылы беруіне;

- Қазақстан Республикасы Үкіметінің шешімі бойынша Қазақстан Республикасының заңнамасына сәйкес мемлекеттік қызметтерді көрсету бойынша қызметті жүзеге асыратын заңды тұлғаның қолда бар және алдағы уақытта келіп түсетін Деректерді кредит бюроларына және Банкке тікелей немесе үшінші тұлғалар арқылы (кредит бюроларын қоса алғанда немесе кредит бюролары арқылы) ұсынуына;

- Банктің өнімдері/қызметтері бойынша ұсыныстар дайындау мақсатында Банктің барлық заңды дереккөздерден Клиент туралы құпия ақпаратты пайдалана отырып, алдын ала талдау жүргізуіне;

- мәліметтерді және (немесе) құжаттарды Қазақстан Республикасы Қаржы министрлігінің Мемлекеттік кірістер комитетіне және (немесе) оның аумақтық бөлімшелеріне (бұдан әрі - мемлекеттік кірістер органы) беруіне, сонымен қатар мемлекеттік кірістер органы мен Қазақстан Республикасының Ұлттық Банкі арасында бір күнтізбелік ай ішінде Қазақстан Республикасының нормативтік құқықтық актілерінің талаптарында көзделген белгіленген шекті мөлшерден асатын қолма-қол ақшаны алу туралы мәліметтермен және (немесе) құжаттармен алмасу мақсатында да;

- Банктің Қазақстан Республикасының заңнамасында көзделген тәртіппен коммерциялық, банктік және Қазақстан Республикасының заңнамасымен қорғалатын өзге де құпияны құрайтын ақпаратты ашуына:

а) Қазақстан Республикасының заңнамасында көзделген жағдайларда;

б) банк қызметкерлеріне;

в) Банктің қызметін негіздер бойынша және Қазақстан Республикасының заңнамасына сәйкес тексеруді жүзеге асыратын тұлғаларға;

г) контрагентке(-терге) және өзге тұлғаларға, Банк осындай тұлғамен(-лармен) мәні көрсетілген тұлғалардың Банктен алған/алынатын ақпаратты үшінші тұлғаларға жарияламауы туралы міндеттемелерді қабылдауы болып табылатын келісім(-дер) жасасқан жағдайда;

Коммерциялық, банктік немесе Қазақстан Республикасының заңнамасымен қорғалатын өзге де құпияны құрайтын ақпараттың құпиялылығы Клиенттің кінәсінен бұзылған немесе құпия ақпарат үшінші тұлғаларға басқа ақпарат көздерінен белгілі болған жағдайда Банк жауапты емес.

- «Мемлекеттік кредиттік бюро» АҚ (бұдан әрі - Кредиттік бюро):

- (а) «Еңбек ресурстарын дамыту орталығы» АҚ-дан, МДҚ операторларынан/иелерінен, сондай-ақ Қазақстан Республикасы Үкіметінің шешімі бойынша Қазақстан Республикасының заңнамасына сәйкес мемлекеттік қызметтер көрсету жөніндегі қызметті жүзеге асыратын заңды тұлғадан Клиент туралы ақпарат алуға,

- (б) осы тармақтың а) тармақшасына сәйкес алынған Субъект туралы ақпаратты Банкке беруге;

- «Еңбек ресурстарын дамыту орталығы» АҚ, МДҚ иелеріне/операторларына, Қазақстан Республикасы Үкіметінің шешімі бойынша Қазақстан Республикасының заңнамасына сәйкес мемлекеттік қызметтер көрсету жөніндегі қызметті жүзеге асыратын заңды тұлғаға: Кредиттік бюроға және Кредиттік бюро арқылы Банкке Субъект туралы ақпаратты беруге;

- Қазақстан Республикасының заңнамасына сәйкес ұсынылуы міндетті және/немесе ұсынылуы қажет болуы мүмкін Клиент туралы кредиттік есепті, сондай-ақ өзге де қызметтерді кредиттік бюроның Банкке ұсынуына.

7.10. Клиент осы арқылы Клиенттің шарттар, шарттарға қосымша келісімдер бойынша Банкке берген және алдағы уақытта беретін дербес деректер субъектілерінің дербес деректеріне қатысты¹, сондай-ақ заңнамаға және (немесе) Банктің ішкі құжаттарына сәйкес осындай дербес деректерді жинау, өңдеу қажеттілігі туындайтын өзге жағдайларда Клиенттің дербес деректер субъектілерінен дербес деректерді жинауға және өңдеуге, дербес деректерді үшінші тұлғаға, сонымен қатар, Банкке беруге, Банктің дербес деректерді өңдеуіне, дербес деректерді трансшекаралық беруіне Банктің forte.kz ресми сайтында орналастырылған Дербес және өзге де деректерді жинау және өңдеу келісім туралы келісімнің нысаны бойынша алдын ала келісім алғанын растайды.

7.11. Банктің талабы бойынша Клиент дербес деректерді жинауға және өңдеуге, дербес деректерді үшінші тұлғаға беруге, оның ішінде Банкке беруге дербес деректер субъектілерінен жинаған келісімдерінің бар-жоғын құжаттамалық растауды ұсынады, ал келісімдердің бар-жоғын құжаттамалық растау мүмкін болмаған кезде осындай келісімдерді жинайды, содан кейін оларды алғанын Банкке растайды.

7.12. Дербес деректерді жинауға және өңдеуге, үшінші тұлғаларға, оның ішінде Банкке беруге және Банктің дербес деректерді өңдеуіне келісімдердің болмағаны үшін жауапкершілік Клиентке жүктеледі. Егер дербес деректер туралы заңнаманы бұзғаны үшін Банкке қатысты қандай да бір шаралар қолданылса, Клиент Банктің талап етуі бойынша Банкке келтірілген шығындар мен залалдарды өтеуге міндеттенеді.

7.13. Банк:

- Қазақстан Республикасының заңнамасына қайшы келмейтін, рұқсат етілмеген төлемдерден қорғау әрекеттерін жүзеге асырады;

- Клиенттің қызметкерлерінің/өкілдерінің/уәкілетті тұлғаларының дербес деректерін Қазақстан Республикасының дербес деректерді қорғау мәселелері жөніндегі заңнамасына қайшы келмейтін тәсілдермен жинауды, өңдеуді және таратуды жүзеге асыруға міндеттенеді;

- Клиенттің қызметкерлерінің/өкілдерінің/уәкілетті тұлғаларының дербес деректеріне қол жеткізу талаптарын дербес айқындауға құқылы;

- Қазақстан Республикасының дербес деректерді қорғау мәселелері жөніндегі заңнамасының талаптарын ескере отырып, дербес деректерді өңдеу мақсаттары талап еткеннен артық сақтауға және өңдеу мақсаттарына қол жеткізгеннен кейін оларды жоюға міндеттенеді;

- Шартты орындау шеңберінде дербес деректерді қорғау мәселелері бойынша Қазақстан Республикасы заңнамасының өзге де талаптарын орындауға міндеттенеді;

- дербес деректерді жинау, өңдеу және үшінші тұлғаларға беру бойынша жасалатын іс-әрекеттер туралы ешкімді хабардар етуге міндетті емес.

8. БАСҚА ЖАҒДАЙЛАР

8.1 Шарттарға барлық өзгерістер және/немесе толықтырулар егер олар жазбаша түрде жасалғанда ғана жарамды болады, осы Шарттарда көзделген жағдайларды қоспағанда. Шарттарға барлық өзгерістер және/немесе толықтырулар Кепілгердің www.forte.kz сайтында жарияланған сәттен бастап әрекет етеді.

Кепілгердің Қарыз алушы үшін Шартты жақсартатын біржақты соттан тыс тәртіпте енгізетін өзгерістері/толықтырулары Принципал Кепілгерден тиісті хабарлама алған күннен бастап 14 (он төрт) күнтізбелік күн өткен соң Принципал Кепілгер ұсынған жақсартатын жағдайлардан жазбаша түрде хабарлама жолдау арқылы бас тартпауы шартында енгізіледі.

8.1. Тараптардың Принципал туралы, бекітілетін мәміле туралы, осы Шарттағы өз міндеттемелерін орындауға байланысты ақпараттар жөніндегі мәліметтерді, Қазақстан Республикасының кредиттік бюролар мен кредиттік тарихтарды қалаптастыру туралы заңнамасына сәйкес ұсынылуға міндетті және/немесе қажет болуы мүмкін басқа да мәліметтерді кредиттік бюролардың деректемелер базасына ұсынуы үшін Принципал Кепілгерге және кредиттік бюролардың Принципал туралы Кепілгерге кредиттік есеп беруі бланкілі кепілдіктер бойынша қосылу туралы Өтінішпен расталады.

8.2. Осы Шарттың әр Тарабы келесі Тараптан осы Шарттың талаптарына сәйкес алынған қаржылық, коммерциялық және басқа да ақпараттардың қатаң құпиялығын сақтауға міндеттенеді. Мұндай ақпаратты үшінші тұлғаларға беру, баспаға жариялау немесе жария ету Тараптардың жазбаша келісімі бойынша, сонымен қатар Қазақстан Республикасының қолданыстағы заңнамасында қарастырылған жағдайларда ғана мүмкін болады.

¹ Дербес деректер қатысты жеке тұлға (өкіл, қызметкер, қатысушы / акционер, бенефициарлық меншік иесі, өзге де жеке тұлға)

8.3. Принципал осы Шартқа қол қоя отырып, төмендегілерге келісім береді:

- 1) Кепілгердің банктік операцияларды жүзеге асыру үшін Кепілгерге ұсынылған кез келген түрдегі жеке және басқа мәліметтерді алу, тексеру/қайта тексеру бойынша Қазақстан Республикасының заңнамасымен тыйым салынбаған кез келген әрекеттер мен шараларды жүзеге асыруына;
- 2) Принципалдың жеке /дербес мәліметтерін жинауға, өңдеуге FATCA талаптарына сәйкес, онымен қоса Қазақстан Республикасы уәкілетті мемлекеттік органы арқылы АҚШ (Internal Revenue Service) Салық Қызметіне беру үшін ұсынуға;
- 3) Кепілгердің коммерциялық құпияны, банктік құпияны құрайтын ақпараттарды және Қазақстан Республикасының заңнамасымен қорғалатын басқа құпияны Қазақстан Республикасының заңнамасында қарастырылған тәртіпте ашуына:
 - а) Қазақстан Республикасының заңнамасында қарастырылған жағдайларда;
 - б) Кепілгердің қызметкерлеріне;
 - в) Қазақстан Республикасының заңнамасына сәйкес және негізінде Кепілгердің қызметіне тексеру жүргізетін, тұлғаларға;
 - г) Кепілгер осындай тұлғамен(-лармен) мәні Кепілгерден алған/алатын ақпаратты үшінші тұлғаларға жария етпеу туралы міндеттемелерді контрагенттің(-тердің) қабылдауы болып табылатын келісімді(-дерді) жасау шартында, Кепілгердің аудиторуна, контрагент(-тер)іне;
 - д) Кепілгер мен банктердің арасында келісілген тәртіпте, банктік құпия болатын мәліметтер бойынша сұранымдарды орындау және бағыттары бойынша Кепілгер мен банктердің өзара электрондық қарым-қатынасы шеңберінде, басқа банктерге.
- 4) Принципалға қатысты банктік және коммерциялық құпияны құрайтын мәліметтерді қоса отырып, бірақ онымен шектелмей-ақ, Шарт бойынша Принципал міндеттемелерін орындамаған және/немесе тиісті түрде орындамағанда Принципал мен оның Кепілдігінің сомасы туралы Кепілгердің үшінші тұлғаларға ақпараттар ұсынуына.
- 5) Принципалға қатысты жеке мәліметтер мен құпия ақпараттарды өңдеуге, оған қоса оларды Кепілгердің қарауы бойынша қажет деп саналатын кез келген мақсатқа қолдануға келісімін береді. Қазақстан Республикасының заңнамасына сәйкес қорғалатын құпияларды құрайтын Тараптардың иелігіндегі үшінші тұлғалар туралы, олардың жеке мәліметтері болып табылатын кез келген ақпарат беру ақпарат ұсынушы Тараптың осындай ақпаратты беру туралы (өңдеу, оның ішінде тиісті мақсаттарға қолдану мақсатында) осындай келісімдерде белгіленген көлемде үшінші тұлғалардың тиісті келісімдерін алғаннан кейін жүзеге асырылады.

Банк:

«ForteBank» АҚ

Мекенжайы: Нұр-Сұлтан қ-сы, Достық к-сі, 8/1

БСК IRTYKZKA

БСН 990740000683

БЕК – 14

Коршот: «Қазақстан Республикасының Ұлттық Банкі» РММ-дегі
KZ23125KZT1001300204

Телефоны: +7 (727) 258-40-40, +7 (727) 258-75-75, +7 (7172) 58-75-75, 55575
(мобильді телефоннан)